


JAMHUURIYADDA **SOMALILAND**



2/11/2011
04/04/2011

XEERKA HAY'ADDA ABBAABUL KA-SAARKA IYO DIB-U-JIHAYNTA



**(NATIONAL DEMOBILIZATION AND RE-INTEGRATION
COMMISSION-NDRC)**

XEER No. (48/2011)

HARGEYSA – SOMALILAND

1 | Page

XEERKA HAY'ADDA ABBAABUL-KA-SAARKA IYO DIB-U-JIHAYNTA

REPUBLIC OF



SOMALILAND

THE PRESIDENT

REF.JSL/M/XM/249-451/042011

DATE10/04/11.....

XEER MADAXWEYNE No: 0126/042011

Dhaqan-galka Xeer Lr. 48/2011

Xeerka Hay'ada Abaabul Ka saarka iyo Dib u Jihaynta ee JSL (NDRC)

Madaxweynaha Jamhuuriyadda Somaliland

Markuu Arkay: Qodobka 90aad ee Dastuurka Jamhuuriyadda Somaliland,

Markuu Arkay: Qodobka 75aad ee Dastuurka Jamhuuriyadda Somaliland.

Markuu Helay: Go'aanka Golaha Wakiilada JSL ee Go'aan Lr. GW/KF-14/514/2011, ee Ansixinta Xeerka Hay'ada Abaabul Ka saarka iyo Dib u Jihaynta ee JSL.

Wuxuu Soo Saaray,

Dhaqan-galka Xeerka Hay'ada Abaabul Ka saarka iyo Dib u Jihaynta ee Jamhuuriyadda Somaliland (NDRC) ee Xeer Lr. 48/2011.

Allaa Mahad Leh,


Axmed Maxamed Silanyo
Madaxweynaha Jamhuuriyadda Somaliland



Arkifiyada

Ha la file gareeyo
[Signature] 11/04/2011



Ref: GW/KF-14/514/2011

Date: 04/04/2011

GO'AAN ANSIXIN XEERKA HAY'ADA ABAABUL-KA SAARKA IYO DIB-U-JIHAYNTA

GOLAHA WAKIILADU:

MARKUU ARKAY: Qodobada 34aad (1aad), 38aad iyo 39aad ee Dastuurka Qaranka JSL.

MARKUU ARKAY: Degreeto Lr: M/Xeer/249/54/1195 ee M/weynaha oo ku saabsanayd Abuuridda Hay'ada NDRC.

MARKUU ARKAY: Warqada Ogolaanshaha M/weynaha JSL ee nuxurkeedu yahay in hay'ada Abaabul-ka-saarka iyo Dib-u-jihaynta (N.D.R.C) ay a-haato hay'ad madax-bannaan.

MARKUU DERSAY: Warbixinta Guddiga Arrimaha Gudaha, Nabadgelyda iyo difaaca, kana dooday nuxurka uu Mashruucani xambaarsan yahay.

MARKUU KU QANCAY: Una codeeyey wax ka bedelka iyo soo jeedimihii Golaha Guuritidu ku soo sameeyeen mashruuc sharciga Xeerkan.

MARKUU TIXGELIYEE: Hawlihii hore ee hub-ka-dhigista iyo abaabul-ka-saar ee ay hay'addu soo Qabatay.

MARKUU GARAWSADAY: In weli baahi loo qabo in ay dalka ka sii socdaan hawlihii hub ka-dhigista iyo abaabul-ka-saarku.


MARKUU U CODEEYAY: Xeerka Haya'adda Abbaabul-ka saarka iyo Dib-u Jihaynta (N.D.R.C), goobjoogna ahaayeen **55 Mudane**

WUXUU

Cod aqlabiyad ah oo dhan 50 Cod oo gacan taag ah ku ansixiyay Xeerka Haya'adda Abaabul-ka saarka iyo Dib-u Jihaynta (N.D.R.C), halka uu ka diiday 1 Mudane, kana aamuseen 3 Mudane Gudoomiyuhuna muu coddayn sida caadada ah.


C/raxmaan Maxamed C/laahi (Cirro)
Guddoomiyaha Golaha Wakiilada Jsl


Allaa Mahad Leh


Jamaal Jaamac Xasan
Ku-simaha Xoghayaha Guud ee Golaha Wakiilada Jsl

GOLAHA WAKIILADU:



Markuu Arkay: Qodobada 34aad faqradiisa 1aad, 38aad iyo 39aad ee Dastuurka

Markuu Arkay: Warqada Ogolaanshaha M/weynaha JSL ee nuxurkeedu yahay in hay'ada Abaabul-ka-saarka iyo jihataynta N.D.R.C ay ahaato hay'ad madax-bannaan

Markuu Dersay: Warbixinta Guddiga Arrimaha Gudaha, Nabadgelyda iyo difaaca kana dooday nuxurka uu Mashruucaasi xambaarsan yahay

Markuu U Codeeyey: Wax ka bedelka iyo soo jeedimihii Golaha Guuritidu ku soo sameeyey mashruuc sharciga Xeerkan

Markuu Tixgeliyey: Hawlihii hore ee hub-ka-dhigista iyo abaabul-ka-saar ee ay hay'addu soo qabatay

Markuu Garawsaday: In weli baahi loo qabo inay dalka ka sii socdan hawlihii hub-ka-dhigista iyo abaabul-ka-saarku

WUXUU ANSIXIYEEY XEERKAN:

QODOBKA 1AAD



Qeexidda Hay'adda Abbaabul-ka-Saarka iyo Dib-u jihaynta (N.D.R.C)

- **Hay'adda Abaabul-ka-saarka (N.D.R.C):-** Waa hay'ad dawli ah, maamul ahaanna Madax-bannaan una xil saaran dejinta iyo qorshaynta iyo weliba fulinta barnaamijyada ku aadan hub-ka-dhigista, abbaabul-ka-saarka iyo dib-u-jihaynta.
- **Abbaabul-ka-saar:** Waa habraac loo kala diro dadka hubaysan ee u abbaabulaan hab-beeleed ee weli ku sugan gobolada dalka qaarkood, iyo in la dhimo tirada ciiddamada ee kala duwan, agoomahoodda, naafadooodda, iyo hawl-gabkoodda.

QODOBKA 2AAD

Ujeeddada Hay'adda Abaabul-ka-saarka iyo Dib-u jihaynta (N.D.R.C)

Ujeeddooyinka Hay'adda waxaa ka mid ah:

1. Inay dalka J.S.L gaadhsiiso nabadgelyo iyo xasilooni taam ah oo waarta oo ku salaysan horumar iyo dhaqaale kobcin saamaysa dalka oo dhan, iyadoo u maraysa Barnaamijyada hub-ka-dhigista, abbaabul-ka-saarka iyo dib-u-jihaynta.
2. Inay Barnaamijyada jihayntu u dhacaan si caddaalad ah oo nabad-gelyo ah, isla markaana wax dhisid ah oo ku salaysan horumarka Bulshada iyo kor-u-qaadidda isku kalsoonida ummadda.
3. Inay barnaamijyada hub ka-dhigista iyo dib-u-jihaynta ku dhinto tirada ciidamada kala duwan ee Jamhuuriyada Somaliland.

QODOBKA 3AAD



Waa jibaadka Hay'adda Abbaabul-ka Saarka iyo Dib-u jihaynta (N.D.R.C)

1. Fulinta qorshaha hawl-galka ee barnaamijyada hub-ka-dhigista, abbaabul-ka-saarka, jihaynta iyo dib-u-habaynta qaybta nabadgelyada J.S.L.
2. Maamulka, kormeerka, xidhiidhinta, iyo qiimaynta dhammaan barnaamijyada hub-ka-dhigista, abbaabul-ka-saarka, jihaynta iyo dib-u-habaynta qaybta nabad-gelyada Jamhuuriyada Somaliland.
3. Xaqiijinta hab-sami-u-socodka barnaamijyada hub-ka-dhigista, abbaabul-ka-saarka, jihaynta iyo dib-u-habaynta qaybta nabadgelyada Jamhuuriyadda Somaliland.
4. Ka caawinta dhinaca farsamada guddi-hoosaadyada hub-ka-dhigista, abbaabul-ka-saarka, jihaynta iyo dib-u-habaynta qaybta nabad-gelyada Jamhuuriyadda Somaliland.
5. Hay'adda Abaabul-ka saarka Qaranku (N.D.R.C) waxay meel marinaysaa jihaynta xubnaha ciidamadda Jamhuuriyadda Somaliland ee la dhimayo.
6. Tallo siinta Wasaaradaha iyo Hay'addaha ku hawl-lan barnaamijyada hub-ka-dhigista, abbaabul-ka-saarka, jihaynta iyo dib-u-habaynta qaybta nabad-gelyada Jamhuuriyadda Somaliland.

QODOBKA 4AAD

Adeegga Hay'adda Abbaabul-ka-saarka iyo Dib-u jihaynta (NDRC)

Barnaamijka Abaabul-ka-Saarku wuxuu u adeegaa :

1. Mujaahidiintii SNM, naafadooda iyo agoomahooda .
2. Ciidamadda dawladii hore ee reer Somaliland, naafadooda iyo agoomahooda.
3. Maleeshiyadda Beelaha naafahooda iyo agoomahooda
4. Abaabul-ka-Saarka iyo dib-u jihayntu waa ikhtiyaari (Voluntary)

5. Barnaamijka Hub-xeraynta abbaabul-ka-saarka waxa uu noqonayaa ku caam ahaaneed una siman yihiin, una dhammaan ummadda Reer Somaliland.



QODOBKA 5AAD:

Wada-shaqaynta Hay'addaha Caalamiga iyo Hay'adda Abaabul-ka-Saarka –NDRC.

1. Hay'addaha Qaramada Midoobay, waddamada deeqda bixiya iyo hay'addaha kale ee caalamiga ahi, waxay raacayaan oo tix-gelin siinayaan siyaasadda hub ka-dhigista, abbaabul-ka saarka iyo dib-u jihaynta ee dalka S/Land u degsan, si looga midho dhaliyo deeqda ay bixiyaan loogana fogaado khilaaf iyo is-maan-dhaaf.
2. Haddii loo baahdo in NGOyada waddaniga ahi fuliyaan hawlo la xidhiidha hubka dhigista, Abbaabul-ka-saarka iyo dib-u jihaynta waxa oggolanaya oo xulanaya, isla markaana heshiis la galaya Hay'adda Abaabul ka saarka Qaranka (NDRC).
3. Waxyaabaha lagu jihaynayo (Re-Integrating Components) muwaadiniinta mashruuca ka faa'iidayasanaya waxaa sahaminaya oo diyaarinaya Hay'adda abbaabul-ka-saarka-NDRC.

QODOBKA 6AAD

Wada-shaqaynta Hay'adda NDRC iyo Hay'adaha Dawliga Ah

1. Hay'adda Abbaabul-ka-saarku-(N.D.R.C) waxay wada shaqayn iyo xidhiidh joogta ah la yeellanaysaa hay'adaha dawliga ah iyo kuwa wadaniga ah ee uu khuseeyo barnaamijka hub ka-dhigistu, abbaabul-ka-saarka, jihaynta iyo dib-u-habaynta qaybta nabadgelyadu.
2. Hay'adda Abaabul-ka-saarku-(NDRC) waxa kale oo ay wada shaqayn la leedahay Madaxweyne ku-xigeenka JSL iyo Guddi wasiiro (Board of Ministers), kana kooban :-
 - Wasaaradda Qorshaynta iyo Horumarinta
 - Wasaaradda Gaashaandhiga ,
 - Wasaaradda Arrimaha Gudaha ,
 - Wasaaradda Cadaallada iyo Garsoorka

- Wasaaradda Maaliyadda
- Wasaaradda Beeraha
- Wasaaradda kalluumaysiga,
- Wasaaradda Arrimaha Bulshada & Shaqadda.



3. Guddiga Wasiirada ahi (Board of Ministers), xilkoodu waa sida hoos ku qoran:

- Diyaarinta iyo dejinta majaraha siyaasaddeed ee ku wajahan hawlaha hubka- dhigista.
- Abaabul-ka-saarka
- Jihaynta iyo dib-u-habaynta qaybta nabadgelyada.

4. Guddigu waxay kulmayaan sannadkiiba Saddex jeer iyo mararka ay lagama maar-maan noqoto.

5. Fadhiyada guddiga waxaa Guddoominaya Madaxweyne kuxigeenka JSL.

QODOBKA 7AAD

Qaab-dhismeedka Hay'adda Abaabul- ka- saarka iyo Dib-u jihataynta (NDRC).

1. _Qaab-dhismeed Hay'adda NDRC waa sida hoos ku xusan :-

- b. Guddoomiye, oo ah Madaxa guud ee Hay'adda
- t. Agaasime Guud, oo ah madaxa maamulka Hay'adda
- j. Waaxyo:
 1. Waaxda Maamulka Gaadiidka iyo Lacagta.
 2. Waaxda Qorshaynta
 3. Waaxda Qiimaynta iyo daba-galka.
 4. Iyo Wakiil Goboleedyo.

2. **Guddoomiyaha** Hay'adda Abaabul-ka saarka iyo dib-u jihataynta **NDRC** waxaa magacaabaya Madaxweynaha JSL.

3. **Agaasimaha Guud** ee Hay'adda Abaabul-ka saarka iyo Dib-u jihataynta **NDRC** waxa magacaabaya Madaxweynaha JSL ka dib marka uu la tashado Guddoomiyaha Hay'adda Abaabul-ka saarka iyo dib-ujihataynta **NDRC**.

4. Waaxyaha Hay'adda iyo Wakiilada Goboladaba iyo magacabaya Guddoomiyaha Hay'adda Abaabul-ka-saarka Qaranka-NDRC.

5. Guddoomiyaha Hay'addu (NDRC) wuxuu saxeexayaa heshiisyada caalamiga ah ee ku wajahan Abaabul -ka-saarka iyo Dib-u jihaynta.

QODOBKA 8AAD

Dhaqangalka Xeerkan

Xeerkan wuxuu dhaqan-gelayaa marka Golayaasha sharci-dejintu (Wakiilada iyo Guurtidu) ansixiyaan, Madax-weynuhuna saxeexo.

Alla Mahad Leh


C/raxmaan Maxamed C/laahi (Cirro)
Guddoomiyaha Golaha Wakiilada Jsl




Jamaal Jaamac Xasan
Ku-simaha Xoghayaha Guud ee G. Wakiilada Jsl

